

**ՀԱՅԱՍՏԱՆՅԱՅՑ ԵԿԵՂԵՑՈՒ ՀՅՈՒՄԻՍԱՅԻՆ ԱՄԵՐԻԿԱՅԻ
ԱՐԵՎԵԼՅԱՆ ԹԵՄԻ 75-ՐԴ ՏԱՐԵԿԱՆ ԺՈՂՈՎԻ
ԳՈՒՄԱՐՈՒՄԸ**

Ս/թ. մայիսի 5—7-ը Պրովիդենս քաղաքի
ս. Սահակ և ս. Մեսրոպ հայոց եկեղեցում
գումարվում է Ամերիկայի Հայաստանյայց
եկեղեցու Հյուսիսային Ամերիկայի արևել-
յան թեմի 75-րդ տարեկան թեմական-
պատգամավորական ժողովը:

Ժողովը բացվում է մայիսի 5-ին, հինգ-
շաբթի, կեսօրվա ժամը 13.35-ին, թեմի ա-
ռաջնորդ տ. Թորգոմ արքեպիսկոպոսի ա-
ղոթքով: Ժողովին մասնակցում էին 88 ըն-
տրյալ, 20 նորընտիր և 10 ծխական խոր-
հրդի ատենապետներ (ընդամենը 118
պատգամավորներ):

Ա. միստին ս. Սահակ և ս. Մեսրոպ ե-
կեղեցու հյուրընկալ տ. Հայկ քհն. Տոնիկ-
յանը ողջունում է ժողովի մասնակիցներին,
որից հետո տ. Կարեն քհն. Կտանյանը ըն-
թերցում է Նորին Սուրբ Օծություն Տ. Տ.
Վազգեն Ա կաթողիկոսի՝ համագումարին
ուղղված հետևյալ օրհնության գիրը, որն
ունկնդրվում է հոտակալս:

**Հարգարժան և բարեջան պատգամավոր-
ներ,**

Հայաստանյայց եկեղեցին հայ ժողովրդի
եկեղեցին է: Հայ ժողովուրդը ինքը հայ ե-
կեղեցին է, իբրև ինքնուրույն և անբաժան
մեկ մասը Աստուծո ժողովուրդին: Եվ հայ
եկեղեցին հավասարապես եկեղեցին է մեր
ժողովուրդի հոգևորական և աշխարհական
գավակներում, որոնք հավասար իրավունք-
ներով և պարտականություններով, աշխա-
տանքի բաժին կտանձնեն պատասխանա-
տրվության տարբեր աստիճանավորումնե-
րով: Ահա այս ոգիով է որ, կխորհինք, հա-
վաքված եք դուք այսօր իբրև պատգամա-
վորներ թեմական-եկեղեցական ձեր կազ-
մակերպությանց, հոգևոր իշխանությանը
ներքև ձեր թեմակալ սրբազան առաջնոր-

դի, քննարկելու անցնող տարվա՝ ձեր թեմի
և եկեղեցիներու գործունեության արդյունք-
ները և մշակելու հառաջիկա տարվա ձեր
աշխատանքներու ծրագիրները:

Հոգեկան անհուն մխիթարությամբ կհաս-
տատենք թե եկեղեցաշինական ծավալում
փայլուն իրագործումներեն հետո, ձեր հա-
մայնքները լծված են այժմ նույնքան կարե-
վոր կրթական գործունեության, այսինքն
դպրոցաշինական իրագործումներու, ամե-
րիկյան բազմալեզու աշխարհի մեջ կեն-
դանի ու վառ պահպանելու համար մեր մայ-
րենի լեզուն և հայ դպրության ու մշակույթի
լույսը, որոնք անկորնչելի արժեքներ կհան-
դիսանան աշխարհի քաղաքակրթության
հորիզոնին վրա:

Հպարտ եղեք մեր քրիստոնեական հա-
վատքով: Հպարտ եղեք մեր ազգային լեզ-
վով և մշակութային արժեքներով: Այսպես
է որ դուք՝ ձեր առաջնորդության հանձնը-
ված ժողովուրդը պիտի պահպանեք իր
հարազատ կրոնական ու մշակութային ո-
գեկանությամբ, այսպես է որ ինքնուրույն
վավերական արժեք և իմաստ պիտի ստա-
նա ձեր հավաքական ներկայությունը, ձեր
հայկական գոյատևումը Ամերիկայի մեջ,
ուր դուք ամեն ազատություն կվայելեք նաև
այդ տեսակետեն:

Այս խոհերով և հորդորներով Մենք ձե-
զի կմաղթենք աշխատանքի անսպառ կո-
րով, աննահանջ հավատք և պայծառ լա-
վատեսություն ձեր առաքելության նկատ-
մամբ և Մայր Աթոռ սուրբ Էջմիածնեն ձե-
զի ամենուղ կրեքենք Մեր սրտագին գնա-
հատանքը և օրհնությունը հայրական:

«Հսկեցէք, հաստատուն կացէք ի հաւա-
տըս, ծրացարուք, գորացարուք ամենայն
ինչ ձեր սիրով լինիցի» (Ա. Կորնթ. ԺԶ
18—14). ամեն:

Հայոց Հայրապետի ողջույնի և օրհնության գրի ընթերցումից հետո ժողովն անցնում է դիվանի և տարբեր հանձնախմբերի ընտրությանը:

Թեմական ժողովի դիվանի առաջին ատենապետ է ընտրվում Խաչատուր Ղազարյանը (Պրովիդենսից), որից հետո առաջնորդ սրբազան հայրը «հոգւոց» է արտասանում ընթացիկ տարվա մեջ մահացած հետևյալ պատգամավորների հոգիների հանգստյան համար:

Հայկ Գավուբեյան, Հարություն Թադոսյան, Մկրտիչ Խոյիկյան, դոկտ. Հրանտ Մարգարյան:

Այնուհետև տ. Թորգոմ արքեպիսկոպոսը կարդում է ժողովին ուղղված իր բովանդակային ուղերձը, որը կցվել է ժողովի ատենագրությանը:

Այնուհետև, հանուն թեմական պատգամավորական ժողովի, ժողովի նախագահ և թեմի առաջնորդ տ. Թորգոմ արքեպիսկոպոսը ընթերցում է Վեհափառին ուղղված հետևյալ հեռագիրը՝ խոր հարգանքով և որդիական հավատարմությամբ:

«Վեհափառ Տեր,

Հայաստանյայց եկեղեցվո Հյուսիսային Ամերիկայի արևելյան վիճակիս 75-րդ տարեկան թեմական պատգամավորական ժողովը գումարվեցավ Ռոտ Այլընտ նահանգի Փրովիդենս քաղաքի ս. Սահակ և ս. Մեսրոպ եկեղեցվո մեջ, հինգշաբթի մայիս 5-են շաբաթ մայիս 7: Պատգամավորական ժողովի Ա. նիստի ընթացքին կարդացվեցավ Ձերդ Սրբության ողջույնի և օրհնության խոսքը: Ներկա ժողովականները արձանագրեցին իրենց խոր հարգանքն ու հավատարմությունը հանդեպ Ձերդ Սրբության և Մայր Աթոռ ս. Էջմիածնի: Թող Տերը միշտ անսասան ու պայծառ պահե Հայաստանյայց առաքելական եկեղեցին, և Ձերդ Վեհափառության պարգևե քաջատուջ ու արևշատ կյանք»:

Նույն օրը, երեկոյան ժամը 20-ին, գումարվում է պատգամավորական ժողովի Բ. նիստը, որը զբաղվում է մասնավորապես

տարեկան ժողովի կանոնադրության մշակման, Ամերիկայում հայ պատմական հուշարձաններն ու եկեղեցիները որպես ազգային ավանդ պահպանելու, եկեղեցականների վարձատրման և այլ հարցերով:

Թեմական պատգամավորական ժողովի Գ. նիստի (ուրբաթ, մայիսի 6) օրակարգում դրված էին հետևյալ հարցերը.

ա) Կանադայի առաջնորդական փոխանորդի գործունեությունը.

բ) Եկեղեցականների հանգստյան թոշակի դրությունը:

Գ. նիստի ավարտից հետո ժողովի բոլոր մասնակիցները այցելում են Պրովիդենսի նահատակների նորակառույց հուշարձան, ուր առաջնորդ սրբազան հոր նախագահությամբ տեղի է ունենում հոգեհանգստի արարողություն: Նույն օրը, կեսօրվա ժամը 14-ին, գումարվում է ժողովի Դ. նիստը:

75-րդ պատգամավորական ժողովի Ե. նիստում, որը քննարկում էր եկեղեցու միության ուղղությամբ տարված աշխատանքները, ինչպես նաև թեմական խորհրդի ելմանից տարեկան տեղեկագիրը, ապա 1978 թ. տեղի ունենալիք պատգամավորական ժողովի գումարման վաղի և ժամանակի հարցերը: Որոշվում է, որ հաջորդ պատգամավորական ժողովը գումարվի 1978 թ. Դեկտեմբերի ս. Հովհաննես Մկրտիչ հայոց եկեղեցու մեջ: Զ. նիստում (մայիս 7, շաբաթ) քննարկվում է Ամերիկայի Հայաստանյայց եկեղեցում մնալուն հիմնադրամ ունենալու հարցը: Այս առթիվ որոշվում է լիազորել թեմական խորհրդին և առաջնորդ սրբազան հորը բանակցություններ վարելու գույզ թեմերի (արևելյան և արևմտյան) ներկայացուցիչների հետ:

Ժողովի Է. նիստը զբաղվում է եկեղեցում կրոնական կյանքի և գործունեության, ինչպես նաև առաջնորդարանի և ծխերի միջև եղող փոխհարաբերությունների հարցերով:

Թեմական պատգամավորական ժողովն իր արդյունավետ աշխատանքներն ավարտում է 1977 թ. մայիսի 7-ին:

